

MÁNÁIDGÁRDDIID NATIONÁLA VÁHNENLÁVDEGODDI
(FUB) RÁHKADAN 2012:S

Bagadallangiha váhnemiidda mánáidgárddiid
báikkálaš váhnenlávdegottiid birra

Váhnemiid mielváikkuheapmi mánáidgárddis

Váhnemat leat
dehálaš resursa
mánáidgárddis

Álggahus:

*«Servodat mii árvvusatná iežas mánáid, ferte
maiddái áimmahuššat sin váhnemiid.»*

Mii lea báikkálaš váhnenlávdegoddi? Manne lea dehálaš ásaht
dákkár lávdegotti juohke gildii? Mo galgá dahkat?

Mánáidgárddiid váhnenlávdegoddi (FUB) lea nationála
váldoorgána. Mii háliidat fuolahit ahte ásahevvojit báikkálaš
váhnenlávdegottit buot gielddaide riikkas. Lea sihke ávkálaš,
dárbbalaš ja dehálaš ahte mánáidgárdeváhnemat beroštit
mánáidgárddi eallimis ja ovdáneamis. FUB oaivvilda váhnemiid
ovttas sáhttit oazžut mearkkašahtti ja mearrideaddji rolla báikkálaš
politihkkáriid ja eiseválddiid hárrái dehálaš mánáidgárdeáššiin.

FUB ásahevvui borgemánu 1.b. 2010, ja dan nammada
Gonagas stáhtarádis njealje jagi áigodahkii, ja das leat jodiheaddji
ja vihtta miellahtu ja okta oassálasti várrelahttu. Lávdegoddi galgá
ovddastit váhnemiid nationálalaččat iešguđet gulaskuddamiin ja
barguin.

Lávdegotti váldoulbmil lea ovddidit mánáidgárddi ja ruovttu
ovttasbarggu, vai buot mánáidgárdemánát ožžot dan buoremus
fálaldaga. Buorre ovttasbargu sáhtá dásset sosiála erohusaid ja
veahkehit buori sirdimii mánáidgárddis skuvlii. FUB galgá maiddá
áimmahuššat váhnemiid beroštumiid mánáidgárdeoktavuođain, ja
áigu nannet váhnenángeruššama ja váhnenváikkuheami

mánáidgárddis earret eará diehtjuohkima ja bagadallama bokte váhnemiida.

Gielddas dat lea ollislaš ovddasvástádus mánáidgárddiide, sihke ruhtadeami, sajusteami, kvalitehta ja sisdoalu dáfus. Danne lea dehálaš ahte čielga váhnenjietna lea mielde váikkuheamen dasa gosa mánáidgárddit galget huksejuvvot, fáladatkvalitehtii ja man olu galgá juolluduvvot mánáidgárdedoibmii.

Bures ovttasbargovuoiŋŋa bokte galget váhnemat ja mánáidgárdebargit laktet fáladaga kvalitehta, ja dat deháleamos maid servodat sáhtta addit mánáide dán áigge, lea kvalitatiivvalaš buorit mánáidgárddit.

Lihku bargguin!

Oslo, 2012

*Mánáidgárddiid váhnenlávdegoddi
Lena Jensena bokte
jođiheaddji*

Mánáidgárdi galgá ovttasráđiid ruovttuin áimmahuššat mánáid fuolahus- ja stoahkandárbbu ja ovddidit oahppama ja čuvgehusa mánggabealat ovdáneami vuodđun.

Maid cealká mánáidgárdeláhka?

MÁNÁIDGÁRDELÁGA ULBMILPARAGRÁFA

Mánáidgárdelága 1. § *Ulbmil*, vuosttaš teakstabihtá, cealká:

Mánáidgárdi galgá ovttasráđiid ruovttuin áimmahuššat mánáid fuolahus- ja stoahkandárbbu ja ovddidit oahppama ja čuvgehusa mánggabealat ovdáneami vuodđun. Mánáidgárdi galgá vuodđuduvvot kristtalaš ja humanisttalaš árvvuid ja árbevieruid vuodđoarvvuide, nugo olmmošárvvu ja luonddu árvvusatnin, vuoigŋafriddjavuohta, ovdasmoraš, ándagassii addojupmi, ovttáarvosašvuohta ja solidaritehta, árvvut mat bohtet ovdan iešguđet oskkuin ja eallinoainnuin, ja mat leat vuodđuduvvon olmmošvuoigatvuođaide.


Lága vuosttaš cealkka mearkkaša rievtti mielde ahte buot bargu mánáidgárddis mii guoská mánnái, galgá dahkkot ovttasráđiid ruovttuin.

Dat mo mánáidgárdit devdet lága gáibádusa ulbmilparagráfás rievddada mánáidgárddis mánáidgárdái. Ovttaskas mánáidgárddis berre leat strategiija mo áimmahuššat ja sihkkarastit buori ovttasbarggu váhnemiiguin.

MÁNÁIDGÁRDELÁGA SISDOALLOPARAGRÁFA

Mánáidgárdelága 2. §, Sisdoallu, maŋjimuš teakstabihtá, cealká:

Mánáidgárdi rámmaplána vuodul galgá juohke mánáidgárdi ovttasbargolávdegoddi mearridit pedagogalaš doaimma jahkeplána.



Lea namalassii nannejuvvon lágas ahte váhnemat, mánáidgárddi ovttasbargolávdegotti váhnenovddasteddjiid bokte, galget leat mielde mearrideamen mánáidgárddi pedagogalaš jahkeplána.

MÁNÁIDGÁRDELÁGA MEARRÁDUS VÁHNEMIID VÁIKKUHEAMI BIRRA

Mánáidgárdelága 4. § Váhnenráđđi ja ovttasbargolávdegoddi cealká:

Vai sihkkarastá ovttasbarggu mánáid ruovttuiguin, de galgá juohke mánáidgárddis leat váhnenráđđi ja ovttasbargolávdegoddi.

Váhnenráđdis galget leat buot mánáid váhnemat/fuolaheaddjit, ja ráđđi galgá ovddidit sin oktasašberoštumiid ja váikkuhit dasa ahte mánáidgárddi ja váhnenjoavkku ovttasbargu hábme buori mánáidgárdebirrása. Jus láhkaásahusa 15. § vuodul lea mearriduvvon alimusmáksomearri váhnenmáksui, de sáhtttá dušše váhnenráđđi miehtat divrasat váhnenmáksui.

Ovttasbargolávdegoddi galgá leat ráđđeaddi, oktavuoda-duddjojeaddji ja ovttaštahti orgána. Ovttasbargolávdegottis leat mánáidgárddi váhnemat/fuolaheaddjit ja bargit, nu ahte goappašat joavkkuin leat seamma olu áirasat. Mánáidgárddi eaiggát sáhtttá oassálastit jus háliida, muhto ii fal eanet áirasiiguin go duon govvti eará joavkkus.

Mánáidgárdeeaiggát galgá fuolahit ahte dehálaš áššit biddjojit ovdan váhnenráđđái ja ovttasbargolávdegoddái.

Mánáidgárdeláhka nanne ahte buot mánáidgárddiin galgá leat váhnenráđđi ja ovttasbargolávdegoddi, muhto láhka ii geatnegahte áсахit váhnenmiid bargolávdegotti (VBL), nugo oahpahusláhka geatnegahtttá skuvlla.

Lágas ii ge gáibit áсахit báikkálaš lávdegottiid váhnenmiidda geain leat mánáidgárdemánát ovttaskas gielddas. Mánáidgárddiid nationála váhnenlávdegottis (FUB) lea almmatge mihttun ahte galget áсахuvvot báikkálaš váhnenlávdegottiid buot gielddaide riikkas, ja háliida láidestit olahit dán mihtu.



Mii lea báikkálaš váhnenlávdegoddi?

BÁIKKÁLAŠ VÁHNENLÁVDEGODDI

Dihto sturrosaš gielddat gos leat olu mánáidgárddit, fertejit gávnnahit mii lea vuogas árraslohku báikkálaš váhnenlávdegottis. Lávdegotti, mas leat olu áirasat, sáhtta leat váttis hálddašit buori láhkai. Dasa lassin berre bidjat láidestusaid vai báikkálaš FUB čoahkkádus ovdasta iešguđet mánáidgárdemálliid gielddas.

Báikkálaš váhnenlávdegotti sáhtta ásahit mángga láhkai:

- váhnemat ieža
- gielda ovdamearkka dihtii ráđđealbmá ja/dahje sátnejođiheadji bokte
- báikkálaš «akšuvdnajoavku»

Geahča muđui eanet lávdegotti čoahkkádusa birra 14. siiddus.

GEAT GALGET LEAT BÁIKKÁLAŠ VÁHNENLÁVDEGOTTIS?

Báikkálaš lávdegotti miellahtuid sáhtta válljet iešguđet mánáidgárddiid bargolávdegottiid (VBL) dahje ovttasbargolávdegottiid (OL) váhnenáirasaid gaskkas.

Mánáidgárddi váhnenráđđi berre válljet miellahtuid báikkálaš lávdegodái.

Manne lea dehálaš?

BÁIKKÁLAŠ VÁHNENLÁVDEGODDI LEA DEHÁLAŠ DANNE GO:

- váhnemat ovddastit mánáidgárddi mánát
- váhnemat sáhttet váldit ovdan áigeovuodilis fáttáid, maid fáttáid earát eai soaitte oaidnit
- dat áimmahuššá mánáidgárdelága 1. § ulbmilparagrafa Ulbmil
- sáhtá sihkkarastit eanet ovttáárvosaš kvalitehta gieldda buot mánáidgárddiin
- sáhtá dásset sosiála erohusaid
- váhnemiid ja mánáidgárdebargiid buorre ovttasbargu váikkuha mánáid fáilaldaga kvalitehtii, juoga mii fas báidná mánáid ovdáneami ja oahppama

LOKTET VÁHNENJIENA OVDAN

Váhnenjietna, erenoamážit váhnemiin geain leat mánáidgárdemánát, dávjá unnán gullo. Báikkálaš váhnenlávdegottiin sáhttet mánáidgárdeváhnemat loktet iežaset jiena gielddadássái ja nie gullogoahtit, earret eará nannet váhnemiid vejolašvuoda váikkuhit mánáidgárdesuorggi ovdáneapmái.

Váhnemat leat seamma iešguđetláganat go eanaš olbmot, ja sis leat iešguđet vuolggasajit ja dárbbut. Mii lea almmatge oktasaš váhnemiidda ja mii šaddá dehálaš ággan gildii ásahtit báikkálaš FUB?

Dat mii buot váhnemiin lea oktasaš iežaset mánáidgárddi dáfus, leat:

- Kvalitehta
- Sihkkarvuohhta
- Rahpanáiggjit
- Mánáidgárddi sisdoallu/fáttát

Buot báikkálaš FUB:in berre leat oktasaš vuodđu man vuodul barget, ja das berre leat sáhka máná buoremusas. Báikkálaš FUB sáhtá dalle šaddat mánáidgárdeváhnemiid oktasaš forumin ja goziheaddjin, ja orgánan gos váhnemat ovttas gielddahálddhusain sáhttet gávdnat buriid čovdosiid mat leat buorit mánáidgárdemánáide. Ná šaddá báikkálaš FUB maiddá orgánan mii doaibmá gieldda mánáidgárdeváhnemiid jietnaguoddin.

Gielddahálddhusii ja báikkálaš politihkkáriidda sáhtá leat stuorra ovdamunni jus sis lea organiserejuvvon váhnenjoavku ovttasbargoguobmin ja bealálažžan áššiin.



VÁHNEMIID ÁNGIRUŠŠAN

Váhnemiid ángiruššan kvalitehta- ja sisdoalloáššiin lassána. Maŋŋá go mánáidgárdesadjerievtti mearrádus mearriduvvui mánáidgárdeláhkii, de lea Norggas masá buot mánáin mánáidgárdesadji, eai ge váhnemat dárbbas šat geavahit seamma olu áiggi ja návccaid oažžut mánáidgárdesaji iežaset mánnái. Váhnemiid fokus jorrá eanet ahte eanet mánáidgárddi sisdollui ja kvalitehtii. Dát lea buorre ja mearkkaša ahte váhnemat dávjjit ohcalit buoret kvalitehta. Váhnemiid ángiruššan ja fuomášupmi mánáidgárdedáldaga kvalitehtii lea dehálaš, ja váhnemat fertjit geavahit iežaset jiena gaskkustit dán gieldda vásttolaččaide ja álbmotválljen olbmuide.




Mo galgá bargat?

GALGET GO GIELDA VAI VÁHNEMAT LEAT ÁLGGAHEADDJIT?

Deháleamos ii dáidde leat gii álggaha báikkálaš váhnenlávdegotti, muhto ahte dakkár lávdegotti ásahuvvo. Lea dehálaš ahte báikkálaš váhnenlávdegoddi sajáiduvvo gieldda hálddahaslaš ja politihkalaš jođihangoddái. Jus gieldda álggaha báikkálaš váhnenlávdegotti, de lea dakkár sajáiduhttin jo buori muddui dahkkon. Jus váhnemat ieža álggahit báikkálaš lávdegotti, de sáhtá leat vuogas bivdit čoahkkima gieldda hálddahasain nu árrat go vejolaš proseassas, vai oktavuohhta ásahuvvo ja ovttasbargu sáhtá ovdánit. Lea dehálaš lávdegotti ovdáneapmái ahte gieldda miehtá váhnemiid álggaheapmái ja addá váhnenlávdegoddái jo álggu rájes dan legitimitehta maid dárbaša.

Váhnenlávdegotti ja gielddahálddahusa konstruktiiuvvalaš ja buorre ovttasbargu lea dehálaš. Váhnenlávdegoddi ii sáhte dušše doaibmat gižžoáššiin, muhto galget láchčot proseassat main váhnemat ja gieldda fertejit ovdagihit gulahallat ja main váhnemat vásihit duohta váikkuhanvejolašvuoda. Earret eará berrejit váhnemat beroštit sisdoalus ja čiekŋudit iežaset mánáidgárddi pedagogalaš ja servodatlaš mandáhttii. Ovttas sáhttet ovttasbargoguoimmit defineret buori sisdoalu báikkálaš FUB:i vai váhnemiid ángiruššan boktojuvvo. Ovttasbargus fertejit balanserejuvvon evttohusat, mas goappašat bealit buktet ovdan áššiid. Jus bealálaččaid ovttasbargu galggaš lihkestuvvat, de ferte gielddahálddahas addit vejolašvuoda dasa ja bovdet mielváikkuheapmái. Boahttevaš ovttasbargu buorre álgu sáhtá leat čielggadit lotnolas vuordámušaid ja mii dain oaivilduvvo.



Gielddahálddahus lea dehálaš lámhčči beroštahttit ja oažžut váhnemiid mielde báikkálaš FUB:i. Buoremus lea oažžut áigái golmmabealat ovttasbarggu, váhnemat – gielddahálddahus – báikkálaš politihkkárat, mas buohkat leat duohta bealálaččat ja sáhttet buktit evttohusaid.

Buoremus livččii jus ovttasbargu sáhtá ásaheavvot «ráfiáiggis» oktasaš čoahkkinarenain, čoahkkindávjodagain, čoahkkinjahkejuvllain ja buriin diehtujuohkinjođuin. Gieldda diehtujuohkinrutiinnat berrejit leat čielggaduvvon ja čielgasat nu ahte dehálaš dieđut gielddahálddahusas váhnemiidda váhnenráđi ja/dahje mánáidgárddi ovttasbargolávdegotti bokte jovdet gosa galget. Ovdamearkka dihtii sáhtá gielddahálddahus ráhkadit almmolaš čállosa báikkálaš FUB birra, mii sáddejuvvo buot ođđa váhnemiidda geain lea mánná mánáidgárddis, vai sihkkarastá ahte buohkat ožžot daid seamma dieđuid.

Lea ovdamunni nana organiseremiin mii hehte ahte orgána ja ovttasbargu šaddá personsorjavaš. Gielddahálddahus sáhtá áinnas leat mielde «doaimmaheamen» báikkálaš FUB vai sihkkarastá jatkolašvuoda, muhto ii galgga seaguhit iežas FUB siskkáldas bargui.

Lea dasa lassin dehálaš šiehttat čoahkkináiggiid gaskal FUB ja politihkkáriid, vai báikkálaš FUB olaha politihkalaš dássái.

MO GALGGAT BARGAT VÁHNEMIN?

Váhnemat geat háliidit álggahit báikkálaš váhnenlávdegotti, sáhttet ovdamearkka dihtii bargat ná:

- Váldit oktavuoda gieldda ráđđealbmáin ja/dahje mánáidgárdevásttolaččain ja bivdit čoahkkima, go báikkálaš lávdegoddi digaštallojuvvo.
- Bovdet gieldda ja priváhta buot ovttasbargolávdegotti áirasiid diehtujuohkinčoahkkimii plánet báikkálaš váhnenlávdegotti.
- Luoikkahit áinnas čoahkkinlanjaid gielddas, omd. ráđđeviesus dahje eará almmolaš visttis nugo skuvllas ja mánáidgárddis, ja bovdet gieldda mánáidgárdevásttolaččaid, ráđđealbmá ja/dahje sátnejođiheaddji.
- Fuolahit geavahit diehtujuohkinčoahkkima háhkat eanemus lági mielde miellahtuid boahttevaš báikkálaš lávdegoddái, ja čielggadit čoahkkinbeaivvi ja -báikki boahttevaš lávdegotti vuosttaš čoahkkimii.



Maid sáhtta olahit?

Váhnemat háliidit nana kvalitehta mánáidgárdefálaldagas. Váhnemat sáhttet ángjiruššama bokte leat mielde loktemin kvalitehta go jerret gažaldagaid, ovddidit gáibádusaid ja buktet evttohusaid mánáidgárddi sisdollui ja doibmii.

LOKTET OVDAN MÁNÁIDGÁRDEÁŠŠIID OVTTAS

Go váhnemat ja bargit ovttas loktejit mánáidgárdeáššiid ovdan, de bidjá dat áššái eanet deattu ja stáhtusa ovdamearka dihtii politihkalaš eiseválddiin.

Báikkálaš váhnenlávdegottis lea álkit loktet mánáidgárdeváhne-
miid jiena gielddadássái, ovdamearka dihtii go lea sáhka bušeahtas,
jahkeplánain, bargoveagas dahje sadjásašgeavaheamis.
Dát sáhtta ges nannet váhnemiid váikkuheami mánáidgárdesuorggi
ovdáneapmái.

STUORRADIGGEDIEDÁHUS BOAHTTEÁIGGI MÁNÁIDGÁRDDIID BIRRA

Stuorradiggediedáhusa ovdabargus (NOU 2012:1: Til barnas beste)
2013:s boahpteáiggi mánáidgárddi birra čuožžu:

«Gielddalaš/báikkálaš váhnenlávdegoddi sáhtta
váikkuhit positiivvalaččat váhnemiid váikkuheapmái
báikkálaš mánáidgárdeovdáneapmái, earret eará gu-
laskuddanásahussan báikkálaš mánáidgárdepolitihka
hábmemis.»

Dát lea dehálaš ágga/motivašuvdna dasa ahte man olu fámoaleappot
váhnemat leat báikegottis, ja ahte váhnemat ovttas sáhttet váikkuhit
dasa ahte ovttaskas gieldda mánáidgárdefálaldat organiserejuvvo nu
ahte lea mánnái buoremussan.

FUB SÁHTTÁ LEAT DOARJJA JA LOKTET ÁŠŠIID OVDAN ALIMUS DÁSSÁI

Mánáidgárddiid váhnenlávdegoddi (FUB) lea áсахuvvon riikkadásis.

Báikkálaš ja gielddalaš lávdegottiin lea FUB:s oktasaš
riikkaviidosas forum mainna sáhtta váldit oktavuoda áššiin mat
gusket ruovttu ja mánáidgárddi gaskavuhtii. FUB sáhtta doarjut ja
loktet áššiid Oahpahusdirektoráhttii.

Váhnenlávdegotti čoahkkádus

MIELLAHTTOLOHKU

Gielddalaš lávdegotti miellahtuid sáhtta váljet iešguđet mánáidgárddiid bargolávdegottiid dahje ovttasbargolávdegottiid váhnenáirasiid gaskkas. Miellahttologu ferte árvvoštallat gielddas giidii gieldda sturrodaga ja mánáidgárdelogu dáfus. Smávva gielddain sáhttet váhnenlávdegottit ovttahttit mánáidgárddi ja skuvlla dahje gielddarájáid rastá jus váhnemiid lohku boahtevaš lávdegottis šaddá unni.

LÁVDEGOTTI ORGANISEREN

Báikkálaš lávdegotti formálalaš čoahkkádus berre leat ná:

- Jođiheaddji
- Nubbijođiheaddji
- Stivralahtut
- Čáli
- Várrelahttu
- Ruhtadoalli

FUB ARENAT

Arenat gos báikkálaš FUB sáhtta gulahallat ja čalmmustahttojuvvot:

- Gieldda ruovttusiidduin
- Facebookas
- Beroštusorganisašuvnnain nugo minoritehtagielat váhnemiidda ja/dahje váhnemiidda geain leat mánát geain leat veahkkedárbbut
- Fásta jahkebeallásaš čoahkkimat ja deaivvadansajit gieldda hálddahasain ja politihkkáriiguin

VÁHNENLÁVDEGOTTI BARGGUT

Leat olu fáttát ja áššit maid báikkálaš FUB sáhtá digaštallat ja gieđahallat, nugo: mo fuolahit ahte váhnemat dihtet áigequovdilis áššiid birra? Mat leat deháleamos áššit maiguin váhnenlávdegottit berrejit bargat? Mo oažžut máŋggabeallásaš digaštallama mánáidgárddi kvalitehta ja sisdoalu birra? Mii lea kvalitehta mánáidgárddis?

MAID ÁŠŠIID GALGÁ LÁVDEGODDI GIEĐAHALLAT?

Lea dehálaš ahte báikkálaš lávdegottit guovdilastet stuorra, gieldii guoski áššiid mat leat áigequovdilastet gieldda olles mánáidgárdesuorgái, beroškeahhtá eaiggádis. Sáhttet ovdamearkka dihtii leat dehálaš bealit nugo:

- Mánnájoavkkuid sturrodat
- Ollesolbmuid lohku
- Pedagogaid lohku
- Bargiid gelbbolašvuhta

Ekonomalaš resurssat láhččet dili buori kvalitehtii, muhto namuhuvvon bealit bidjet eavttuid doaibmi kvalitehtii. Vistit váikkuhit maidái kvalitehtii.

Buorre ráva lea válljet áššiid mat čuvvot jahkejuvlla, nugo bušeahhta, jahkeplána, jahkeplána ođasmahttin, mánáidgárdesajiid juohkin, gelbbolašvuhta ja álgin, mat leat fásta oasis mánáidgárdejagis.

Báikkálaš váhnenlávdegoddi sáhtá bivdit oažžut áššiid mat leat dehálaččat, ja main ovttaskas VBL/OL beroštít erenoamážit.

Váhnenlávdegoddi sáhtá maidái váldit vuolggasaji ovttaskas gieldda Bajásšaddama váldolávdegotti, ovdagotti ja/dahje gielddastivrra čoahkkínplánain ja áššelistuain, ja bidjet áigequovdilis áššiid iežas lávdegottečoahkkimiid áššelistui.

NÁ DAHKET KRISTIANSAND GIELDDAS

Kristiansand gielda lea ásahan báikkálaš váhnenlávdegotti gieldda mánáidgárdliide. Lávdegotti namma lea Mánáidgárdeváhnenlávdegoddi (BAFU). BAFU váldjuvvo mielde mearridanproseassaide gielddas, ja áššejohtu lea ná:

1. Mánáidgárdliid ovttasbargolávdegottit
2. Mánáidgárdeváhnenlávdegoddi (BAFU)
3. Bajásšaddandirektevra
4. Bajásšaddanstivra

Man dásis ášši mearriduvvo, lea sorjavaš sisdoalus. Hálldahuslaš áššiid mearrida bajásšaddandirektevra. Stuoarát áššiid politihkalaččat mearrida Bajásšaddanstivra dahje vejolaččat Gávpotstivra.

Kristiansand gieldda modealla sáhtta leat vuolggasadji dahje leat veahkin mo áššejohtu gaskal báikkálaš váhnenlávdegotti ja gielddahálldahusa sáhtta leat.

MAN DÁVJÁ GALGÁ ČOAHKKIMASTIT?

Lea dieđusge ovttaskas lávdegotti duohken man dávjá háliidit ja man relevánta lea lágidit lávdegoddečoahkkimiid. Čoahkkimat sáhttet leat ovdal dahje maŋŋá gávpot-/gielddastivračoahkkimiid, vai sáhtta gieđahallat áigequovdilis áššiid dan botta go ain leat áigequovdilát. Olu gielddain mearkkaša dát ahte lávdegoddi dalle galgá čoahkkimastit oktii mánnui, juoga mii sáhtta leat sihke dávjá ja dárbbášmeahttun. Guokte gitta njeallje čoahkkima jagis lea dien dáfus eanet realisttalaš ja čađahahtti.

NJUOLGGADUSAT

Váhnenlávdegoddái lea vuogas formaliseret barggu ja ráhkadit njuolggadusaid lávdegoddái, almmá byrokratiserema haga.

Lávdegotti njuolggadusain sáhhtá ovdamearkka dihtii čilget dáid beliid:

- Ulbmil
- Miellahtut
- Lávdegoddečoahkkimat
- Referáhtat ja referáhtageavahus
- Jahkečoahkkin
- Válgalávdegoddi
- Bušeahtta ja rehketdoallu
- Revisor
- Barggojoavkkut (omd. ad hoc-joavkkut dárbbu mielde)
- Njuolggadusrievdamat
- Heaittiheapmi

«Mii galgá máná namma leat?»

Báikkálaš váhnenlávdegoddi berre fátmastit sihke gieldda ja priváhta mánáidgárddiid váhnemiid ja leat sorjjasmeahttun orgána. Lávdegoddi galgá ovdastit buot váhnemiid geain leat mánat mánáidgárddis dihto gielddas, eai ge das berre leat politihkalaš eai ge eaiggátlaš láidestusat. Lávdegotti namma berre leat nu neutrála go vejolaš, ja FUB nationála dásis evttoha danne ahte Norgga gielddaid váhnenlávdegottit sáhttet gohčodit iežaset FUB oktan gieldda namain, ovdamearkka dihtii FUB Oslo. Dán láhkai šaddet maiddái báikkálaš lávdegottit nationála FUB joatkkan.

Loahpaheapmi

Mánáidgárddiid váhnenlávdegottis lea jáhkku dasa ahte ávkkuha ovttasbargat váhnemiiguin ja hállat ovttain jienain vai olaha sihke mearrideaddji eiseválddiid, gielddahálddahusa ja mánáidgárde- ja allaskuvladási fágaolbmuid.

Váhnemat leat deháleamos olbmot mánáid eallimis ja mánáidgárddi dehálaš ovttasbargoguoimmit, ja váhnemat fertejit sihke ángiruššat ja šaddat lunddolaš oassin mánáidgárddi eallimis.

Geavat liibba!

FUB
TELEFOVDNA
POASTAČUJUHUS
FITNANČUJUHUS
E-POASTA
NEAHTTAČUJUHUS

22 05 90 70
Postboks 9360 Grønland, 0135 Oslo
Schweigaards gate 15 B, 0191 Oslo
post@fubhg.no
www.fubhg.no

GOVAT

Ovdasiidu: Berit Roald / NTB scanpix
Siidu 6, 8 ja 12: Istockphoto

HÁBMEN

Tank